

明

史

三四

明史卷一百十七 列傳第五

總裁纂輯 經筵講官 保泰字太保 和殿大學 兼詹事府 尚書 加六級 張廷玉等奉

敕修

諸王二

太祖諸子二

蜀王椿

代王桂

襄垣王遜燾 成銀

靈邱王遜烜 廷鄆

肅王模

遼王植

慶王梈

寧王權

蜀獻王椿太祖第十一子洪武十一年封十八年命駐

鳳陽二十三年就藩成都性孝友慈祥博綜典籍容止
都雅帝嘗呼爲蜀秀才在鳳陽時闢西堂延李叔荆蘓
伯衡商榷文史旣至蜀聘方孝孺爲世子傅表其居曰
正學以風蜀人詣講郡學知諸博士貧分祿餼之月一
石後爲定制造安車賜長史陳南賓聞義烏王紳賢聘
至待以客禮紳父禕死雲南往求遺骼資給之時諸王
皆備邊練士卒椿獨以禮教守西陲番人入寇燒黑崖
關椿請於朝遣都指揮瞿能隨涼國公藍玉出大渡河
邀擊之自是番人讐伏前代兩川之亂皆因內地不逞
者鉤致爲患有司私市蠻中物或需索啓爭端椿請繪

錦香扇之屬從王邸定爲常貢此外悉免宣索蜀人由
此安業日益殷富川中二百年不被兵革椿力也成祖
卽位來朝賜予倍諸藩谷王穗椿母弟也圖不軌椿子
悅燿獲咎於椿走穗所穗稱爲故建文君以詭衆永樂
十四年椿暴其罪帝報曰王此舉周公安王室之心也
入朝資金銀繒綵鉅萬二十一年薨世子悅嫌先卒孫
靖王友埇嗣初華陽王悅燿謀奪嫡椿覺之會有他過
杖之百將械於朝友埇爲力請得釋椿之薨友埇方在
京師悅燿竊王帑友埇歸不問悅燿更誣奏友埇怨誹
成祖召入訊之會崩仁宗察其誣命歸藩召悅燿悅燿

猶執奏仁宗抵其章於地遷之武岡復遷澧州宣德五年總兵官陳懷奏都司私遺蜀邸砲用以警夜非制詔逮都司首領官明年獻還二護衛從之是年薨妃李侍姬黃皆自經以殉無子弟僖王友璫由羅江王嗣九年薨獻王第五子和王悅熒由保寧王嗣天順五年薨繼妃徐氏年二十六不食死諡靜節子定王友珰嗣七年薨子懷王申鉉嗣成化七年薨弟惠王申鑿嗣弘治六年薨子昭王賓瀚嗣正德三年薨子成王讓栩嗣自椿以下四世七王幾百五十年皆檢飭守禮法好學能文孝宗恒稱蜀多賢王舉獻王家範爲諸宗法讓栩尤賢

明喜儒雅不邇聲伎創義學修水利振災卹荒嘉靖十
五年巡撫都御史吳山巡按御史金粲以聞賜敕嘉獎
署坊表曰忠孝賢良二十年建太廟獻黃金六十斤白
金六百斤酬以玉帶幣帛二十六年薨子康王承燭嗣
三十七年薨子端王宣圻嗣萬曆四十年薨子恭王奉
銓嗣四十三年薨子至澍嗣崇禎末京師陷蜀尚無恙
未幾張獻忠陷成都合宗被害至澍率妃妾投於井

湘獻王柏太祖第十二子洪武十一年封十八年就藩
荊州性嗜學讀書每至夜分開景元閣招納俊乂日事
校讐志在經國喜談兵膂力過人善弓矢刀槊馳馬若

明史卷一百一十五 列傳三十三
飛三十年五月同楚王楨討古州蠻每出入縹囊載書以隨遇山水勝境輒徘徊終日尤善道家言自號紫虛子建文初有告柏反者帝遣使卽訊柏懼無以自明闔宮焚死諡曰戾王無子封除永樂初改諡獻置祠官守其園

代簡王桂太祖第十三子洪武十一年封豫王二十五年改封代是年就藩大同糧餉艱遠令立衛屯田以省轉運明年詔帥護衛兵出塞受晉王節制桂性暴建文時以罪廢爲庶人成祖卽位復爵永樂元年正月還舊封十一月賜璽書曰聞弟縱戮取財國人甚苦告者數

矣且王獨不記建文時耶尋命有司自今王府不得擅役軍民斂財物聽者治之已復有告其不軌者賜敕列其三十二罪召入朝不至再召至中途遣還革其三護衛及官屬王妃中山王徐達女仁孝文皇后妹也驕妒嘗漆桂二侍女爲癩事聞帝以中山王故不罪桂移怒世子遜熅出其母子居外舍桂已老尚時時與諸子遜料遜熅窄衣禿帽遊行市中袖錘斧傷人王府敎授楊普上言遜料狎軍人武亮與博戲致箠殺軍人朝廷杖治亮降敕責戒稍斂戢十六年四月復護衛及官屬正統十一年桂薨世子遜熅先卒孫隱王仕壘嗣景泰中

嘗上言總兵官郭登守城功朝廷爲勞登天順七年薨子惠王成鍊嗣弘治二年薨子聰沐先封武邑王以肆酒革爵已居惠王喪益淫酗廢爲庶人遷太原久之惠王妃爲疏理復封武邑王卒子懿王俊杖襲封代王嘉靖三年大同軍叛圍王宮俊杖走免事平賜書慰問六年薨子昭王充耀嗣十二年大同軍又叛充耀走宣府再賜慰問事平返國奏亂賊旣除軍民交困乞遣大臣振撫詔允行二十四年和川奉國將軍充灼坐罪奪祿怨充耀不爲解乃與襄垣中尉充焮謀引敵入大同殺王會應州人羅廷璽等以白蓮教惑衆見充灼爲妖言

因畫策約奉小王子入塞藉其兵攻鴈門取平陽立充
灼爲主事定卽計殺小王子充灼然之先遣人陰持火
箭焚大同草場五六所而令通蒙古語者衛奉闌出邊
爲總兵周尚文邏卒所獲竝得其所獻小王子表鞫實
以聞逮充灼等至京賜死焚其屍王府長史等官皆逮
治總督侍郎翁萬達疏言大同狹瘠祿餉不支代宗日
繁行衆聚而貧且地近邊易生反側請量移和川昌化
諸郡王於山陝隙地詔改遷於山西先是景泰間昌化
王仕潭乞移封景帝不許至是乃遷代宗自簡至懿封
郡王者凡二十有三而外徙者十王二十六年充耀薨

子恭王廷埼嗣饒陽王充焄數以事侵廷埼恐得罪乃以陳邊事爲名三十一年奏鎮巡官之罪世宗爲黜巡撫都御史何思逮總兵官徐仁等充焄益驕遂與廷埼互訐前後勘官莫能判巡撫都御史侯鉞奏奪其祿充焄怒不承三十三年詔遣司禮少監王臻卽訊充焄乃伏下法司錮高牆萬曆元年廷埼薨子定王鼎鉉嗣三十二年薨無子弟新寧王鼎鈞嗣薨子康王鼎渭嗣崇禎二年薨再傳至孫傳濟崇禎十七年三月李自成入大同闔門遇害襄垣王遜燁簡王第五子分封蒲州諸王就藩後非請命不得歲時定省遜燁念大同不置作

思親篇詞甚悲切其後宗人聰灋聰洙俊欒俊權俊晧
俊杓俊噤充焯皆嫻於文章俊噤字若訥尤博學有盛
名不慕榮利姊陵川縣君適裴禹卿地震城崩禹卿死
縣君以首觸棺嘔血卒年二十有一詔諡貞節靈邱王
遜炷簡王第六子宣宗時封好學工詩尤善醫嘗施藥
治瘟疫全活無算子仕塲孫成鍛曾孫聰漏三王皆以
孝旌聰漏子俊格能文善書嘉靖時獻皇儲明堂二頌
興獻帝后挽歌賜金帛聰漏嘗乞封其孫廷址爲會長
孫禮官奏無故事帝以王壽考特許之已而復封廷址
子鼎鏐爲元長孫聰漏薨年八十三鼎鏐襲高祖爵聰

明史卷一百七 列傳 六
漏之從父成鑑亦有孝行聰漏聞於朝賜金幣獎諭詔
禮官自今宗室中孝行卓異如成鑑者撫按疏聞又成
鎮者隰川王諸孫父仕則坐罪幽鳳陽病死成鎮微服
走鳳陽視喪上疏自劾越禁乞負父骨歸葬澤州卽不
得願爲庶人止墓側歲時省視詔許歸葬弟成鏐亦好
學有志槩嘉靖十三年上言雲中叛卒之變幸獲銷弭
究其釁端實貪酷官吏激成之臣慮天下之禍隱於民
心異日不獨雲中而已指陳切直帝下廷臣飭行時以
其兄弟爲二難焉萬曆二十年西夏弗寧山陰王俊柵
奏詩八章寓規諷之旨代處塞上諸宗洊經禍亂其言

皆憂深思遠有中朝士大夫所不及者廷鄣代府宗室也崇禎中爲鞏昌府通判署秦州事有廉直聲十六年冬賊陷秦州被執使之跪叱曰我天朝宗姓頭可斷膝不可屈賊欲活之大呼曰今日惟求一死坐自若遂見害

肅莊王模太祖第十四子洪武十一年封漢王二十四年命偕衛谷慶寧岷五王練兵臨清明年改封肅又明年詔之國以陝西各衛兵未集命駐平涼二十八年始就藩甘州詔王理陝西行都司甘州五衛軍務三十年令督軍屯糧遇征伐以長興侯耿炳文從建文元年乞

內徙遂移蘭州永樂六年以捶殺衛卒三人及受哈密
進馬逮其長史官屬已又聽百戶劉成言罪平涼衛軍
敕械成等京師十七年薨子康王瞻焰嗣宣德七 years 上
二護衛府中被盜爲榜募告捕者御史言非制罪其長
史楊威瞻焰又請加歲祿敕曰洪武永樂間歲祿不過
五百石莊王不言者以朝廷念遠地轉輸難故也仁考
卽位加五百石矣朕守祖制不敢違正統元年上言甘
州舊邸改都司而先王墳園尚在乞禁近邸樵採從之
天順三年上馬五百匹備邊予直不受帝强予之八年
薨子簡王祿埤嗣成化十五年薨子恭王貢錞嗣嘉靖

十五年薨世子眞浹長孫弼桓皆早卒次孫定王弼枕
嗣四十一年薨子縉炯先卒孫懷王紳堵嗣踰二年薨
無子靖王第四子弼柿子輔國將軍縉燾以屬近宜嗣
禮官言縉燾懷王從父不宜襲詔以本職理府事上冊
寶罷諸官屬穆宗卽位定王妃吳氏及延長王眞澆等
先後上言聖祖刈羣雄定天下報功之典有隆無替臣
祖莊王受封邊境操練征戍屏衛天家不幸大宗中絕
反拘於昭穆之次不及勲武繼絕之典非所以崇本支
厚藩衛也下部議議以郡王理藩政帝不許隆慶五年
特命縉燾嗣肅王設官屬之半萬曆十六年薨諡曰懿

明史卷一百一十五 列傳八
子憲王紳堯嗣四十六年薨子識鉉嗣崇禎十六年冬
李自成破蘭州被執宗人皆死

遼簡王植太祖第十五子洪武十一年封衛王二十五
年改封遼明年就藩廣寧以宮室未成暫駐大凌河北
樹柵爲營帝命武定侯郭英爲築城郭宮室英王妃父
也督工峻急會高麗自國中至鴨綠江皆積粟帝慮其
有陰謀而役作軍士艱苦令輟役至三十年始命都督
楊文督遼東諸衛士繕治之增其雉堞以嚴邊衛復圖
西北沿邊要害示植與寧王權諭之曰自東勝以西至
寧夏河西察罕腦兒東勝以東至大同宣府開平又東